



«13» դեկտեմբերի 2023թ.
ք. Երևան

Որոշում № 2007

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ նաև՝ Տեսչական մարմին) ղեկավարի տեղակալ՝ Վահագն Գրիգորյանն, քննելով.

1. ՀՀ պետական եկամուտների կոմիտեից 2023 թվականի հոկտեմբերի 13-ին ստացված թիվ /70-3/61824-2023 գրության հիման վրա Տեսչական մարմնում 2023 թվականի հոկտեմբերի 20-ին հարուցված թիվ 201023-2494 վարչական վարույթի նյութերը,

2. 2023 թվականի դեկտեմբերի 06-ին կազմված վարչական իրավախախտման վերաբերյալ N 2050 արձանագրությունը,

3. վարչական իրավախախտման վերաբերյալ գործի քննության տեղի և ժամանակի վերաբերյալ ծանուցագիրը.

Պարզեցի

1. Նկարագրական մաս

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով և հաշվի առնելով ՀՀ պետական եկամուտների կոմիտեի նախագահի 2023 թվականի հոկտեմբերի 13-ի թիվ /70-3/61824-2023 գրությունը, Տեսչական մարմնում 2023 թվականի հոկտեմբերի 20-ին հարուցվել է թիվ 201023-2494 վարչական վարույթը՝ «Աբրահամյան Ալիսա» ԱԶ-ում ՀՀ աշխատանքային օրենսգրքի 14-րդ և 85-րդ հոդվածների պահանջների պահպանումը պարզելու նպատակով:

Հարուցված վարչական վարույթի ընթացքում ձեռք բերված փաստական հանգամանքների, այդ թվում՝ ՀՀ պետական եկամուտների կոմիտեի 2023 թվականի հոկտեմբերի 13-ի թիվ /70-3/61824-2023 գրության և անհատ ձեռնարկատեր Ալիսա Աբրահամյանի կողմից 2023 թվականի նոյեմբերի 14-ին ներկայացրած գրավոր հայտարարության ուսումնասիրության արդյունքում պարզ է դարձել, որ Հովհաննես Հարությունյանը (անձնագիր AU0589521) 2023 թվականի հուլիսի 12-ին առանց աշխատանքային պայմանագրի կնքման (անհատական իրավական ակտի ընդունման)



կատարել է խոհարարի աշխատանք, որով խախտվել են ՀՀ աշխատանքային օրենսգրքի 14-րդ հոդվածի 1-ին մասի և 85-րդ հոդվածի 1-ին մասի պահանջները:

Անհատ ձեռնարկատեր՝ Ալիսա Աբրահամյանը պատշաճ կարգով ծանուցվել է Տեսչական մարմնում հարուցված վարչական վարույթի արդյունքում արձանագրված խախտումների հետ կապված վարչական իրավախախտման արձանագրության կազմման տեղի և ժամանակի մասին, սակայն գրավոր դիմել է Տեսչական մարմնին՝ խնդրելով այն կազմել առանց իր ներկայության:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը՝ 2023 թվականի դեկտեմբերի 06-ին կազմվել է վարչական իրավախախտման վերաբերյալ թիվ 2050 արձանագրությունը, որը վարչական իրավախախտման վերաբերյալ գործի քննության ծանուցագրի հետ միասին ուղարկվել է անհատ ձեռնարկատեր Ալիսա Աբրահամյանին:

2023 թվականի դեկտեմբերի 13-ին նշանակված վարչական իրավախախտման վերաբերյալ գործի քննությանը անհատ ձեռնարկատեր Ալիսա Աբրահամյանը չի ներկայացել, սակայն ներկայացրել է գրավոր միջնորդություն գործի քննությունն իր բացակայությամբ անցկացնելու մասին:

2. Պատճառաբանական մաս

Վարչական մարմինը, հիմք ընդունելով ՀՀ պետական եկամուտների կոմիտեից հոկտեմբերի 13-ին ստացված թիվ /70-3/61824-2023 գրությունում առկա տեղեկատվությունը, ինչպես նաև անհատ ձեռնարկատեր՝ Ալիսա Աբրահամյանի 2023 թվականի նոյեմբերի 14-ի հայտարարությունը, հաստատված է համարում, որ խախտվել են ՀՀ աշխատանքային օրենսգրքի 14-րդ հոդվածի 1-ին մասի և 85-րդ հոդվածի 1-ին մասի պահանջները, այն է Հովհաննես Հարությունյանը 2023 թվականի հուլիսի 12-ին աշխատել է առանց աշխատանքային պայմանագրի կնքման (անհատական իրավական ակտի ընդունման):

«Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Վարչական իրավախախտման վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է անհատ ձեռնարկատեր Ալիսա Աբրահամյանը (անձնագիր՝ AB0450971, 1997-01-31, 011-ի կողմից):

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 34-րդ հոդվածով սահմանված վարչական պատասխանատվությունը ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, քաղաքացիների իրավունքների և ազատությունների,



ՀՀ ԱՆՈՒՆՈՒՄԱՆ ԻՆՏԵՐՆԱԿԱՆ
ՏՈՒՆՈՒՄԱՆ ԻՆՏԵՐՆԱԿԱՆ
ԿՈՄԻՏԵ

0047 ՀՀ ք. Երևան, Նորք-Մարտի, Ա. Մրմենակյան 129
Հեռ. (374-10) 65-05-53 Էլ. փոստ info@hlab.am
www.hlab.am
Թեժ գծ՝ 8107

կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Ալիսա Աբրահամյանի կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց հույս է ունեցել կանխելու դրանք, սակայն ոչ գիտակցաբար թույլ է տվել այդ հետևանքների առաջացումը:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ:

Նշված հոդվածից հետևում է, որ Ալիսա Աբրահամյանը ՀՀ օրենսդրությամբ սահմանված կարգով, քաղաքացիաիրավական և վարչաիրավական հարաբերություններում հանդես է գալիս որպես անհատ ձեռնարկատեր՝ պաշտոնատար անձ:

«Վարչական իրավախախտումների վերաբերյալ» 169⁵-րդ հոդվածի 1-ին մասի համաձայն՝ առանց Հայաստանի Հանրապետության օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի աշխատող պահելն առաջացնում է՝ տուգանքի նշանակում խախտում թույլ տված անձի նկատմամբ՝ սահմանված նվազագույն աշխատավարձի հիսնապատիկի չափով՝ խախտման յուրաքանչյուր դեպքի համար:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» Հայաստանի Հանրապետության օրենսգրքի 230-րդ, 279-րդ, 281-րդ, 283-րդ հոդվածներով և 282-րդ հոդվածի 1-ին մասով՝

Որոշեցի

1. Ալիսա Աբրահամյանին, որպես խախտում թույլ տված անձ, ՀՀ աշխատանքային օրենսգրքի 14-րդ հոդվածի 1-ին մասի և 85-րդ հոդվածի 1-ին մասի պահանջները խախտելու համար, «Վարչական իրավախախտումների վերաբերյալ» ՀՀ օրենսգրքի 169⁵-րդ հոդվածի 1-ին մասով ենթարկել վարչական տույժի՝ սահմանված նվազագույն



ՀՀ ԾԱՌԱՅՈՒԹՅԱՆ ԵՎ ԱՆՈՒՍՏԱՐ
ԾԱՌԱՅՈՒԹՅԱՆ
ՍԵՐՎԻՍ
HEALTH AND LABOUR INSPECTION BODY
OF THE REPUBLIC OF ARMENIA

0047 22 ք. Երևան, Նորք-Մարաշ, Ա. Արմենակյան 129

Հեռ. (374-10) 65-05-53 էլ. փոստ՝ info@hlib.am

www.hlib.am

Թեժ գիծ՝ 8107

աշխատավարձի հիսնապատիկի չափով՝ 50 000 (հիսուն հազար) ՀՀ դրամ վարչական տուգանքի:

2. Սույն որոշումը ծանուցել անհատ ձեռնարկատեր՝ Ալիսա Աբրահամյանին, հասցե՝ քաղաք Երևան, Կորյունի 1ն. 10-30, էլ. փոստ՝ aliasa.abrahamyan@icloud.com:

3. Սույն վարչական ակտն ուժի մեջ է մտնում վարչական վարույթի մասնակցին իրազեկելուն հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

 Recoverable Signature

X



Signed by: GRIGORYAN VAHAGN 3914740051

ՂԵԿԱՎԱՐԻ ՏԵՂԱԿԱԼ

ՎԱՀԱԳՆ ԳԻՐԳՈՐՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետությունների հաշվի համարը՝ ՀՀ առողջապահական և աշխատանքի տեսչական մարմնի համար իրավախախտումների համար կիրառվող տուգանքների և պատժամիջոցների մուտքեր N900005024097 :

Որոշումը ստացա

(տնունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում

Նշում որոշումը պատվիրված փոստով ուղարկելու և ստանալու ծանուցման մասին

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)



ՀՀ ԱՌՈՂՋԱԿԱԿԱՆ և ԱՇԽԱՏԱՆԵՐԻ
ՏԵՇՉԱԿԱՆ ԲՈԴՈՒՄ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlab.am
www.hlab.am
Թեժ գլխ՝ 8107